



# Шила гямру

Дахадаевла районна жамигятла - политикала газета

«Сельская жизнь»

№ 40 (8321)

2018-ибил дус.

Октябрьла 5.

Жумяг.

Багъа 8 кьуруш 03 кепек.

## Бахъал жагьилтала бутакьяндешличил бетерхур

Регионти-ургабси жагьилтала «Хъумхлртехле. Пахрубирехле» ибси патриотический слет дураберкиб Дахадаевла районнизиб октябрь-

ят Гялиевас, Дахадаевла районна гялхисгьуна волонтер Гяйшат Гябдуллахьяжиевас ва «Чедибдешла волонтерти» хяракатла директорла кумекчи Башир Мирзаевлис.



Пур цалабикибтас саламтала дугьби дурули гяйхуьун муниципалитетла бекл Жаруллагъ Гямаров. Иллини буриб патриотизм инсаният гьалабяхл башахънизиб чебяхлси рухлласи давла биъниличила.

«Хаслира илдигъунти хялананала кумекличил ишбархли нуша

ла 1-личибадла 3-личи бикайчи. Илар бутакьяндеш дариб СКФО-ла регионтазибадти 30 адамли. Беклидиубтигъунти далдуцуни детерхур Уркухъла дахъал шалубар гимназиялизир.

Октябрьла 1-личи абхьибси шадлихълици цалабикиб слетла бутакьянчиби, районна руководство ва администрацияла хялнчизарти, багъудила учреждениебала директорти ва учительти, илкьяйдали районна шимазибадти жагьилти.

Балбуцла бехибхуудличир Россияла Федерацияла, Дагъистан Республикала, Дахадаевла районна ва «Чедибдешла волонтерти» хяракатла байрахъуни ахъдучахъес ихтияр бедиб «Хъумхлртехле. Пахрубирехле» ибси проекта руководитель Афи-

цаладикирла. Дахадаевла районнизиб слетла бутакьянчибас саламтала дугьби дурес имкан аклиничил ну разилира. Къянандешуначи хлрхлеили, гьамадли ахленти гьалабизунира ихъули, сели-



гьалабихьибси. Ункъли бетерхур дуньяличив машгьурси спортсмен Хяйбиб Нурмяхьямадов гьевурцинила акцияра.

Слетла бутакьянчибани машгьурти мургь-арцла устнала шилизи — Кубачи ва Къара-Кьурешлизи архл дураберкиб.

Слет ахирлици биркухлеи республикала эстрада гяртистунани жагаси концерт чебаахъиб. Нушала корр.

## ГялхИмадхан Абу-Бакар гьаниркахъули Кубачиб шадлихъ дураберкиб

Сентябрьла 28-личиб «Дагъиста интеллигенцияла конгресс» ибси регионна жамигятла хяракатли «ГялхИмадхан Абу-Бакарла творчестволизир адабхяяла ва рухлла давлуми — школьникина патриот бяркъ лугнила беклибуис



гялгьниахъала» ибси гилмула-багъудила семинар дураберкиб «Кубачила СОШ» МКОУ-лизиб.

Балбуц дурабуркнилис сиптакарри ДГУ-ла цахнабси ва социальная педагогикала кафедрала заведующая, педагогикала гилмуртала доктор, профессор Гялиева Бика Шягпиевна. Гилмула, техникала ва сагадешунала шайчибси ДР-ла Бекла грант бетурхахънила дазурбазиб дурабуркиси саби гилмула-багъудила семинар или буриб илини.

Б. Гялиевани ГялхИмадхан Абу-Бакарла гялхИмадхан производениебала ахтарди дураберкиб ва чевяхлси халкъла писательлис хасбарибси, илала белкнанас кьимат лугуси жузра дураиб. Жузлизи писательла ва Кубачила суратунира кадрхахурли сари. Учителътас, дурхнас пайдаладиэсти дахъал мисалтира кили лер илар. Дурхнаси П. Абу-Бакарла производениеби секьяйда руркъяхутил ва наслулизирад наслулизи секьяйда диахъутил гьеббурули саби.

Педагогикала гилмуртала доктор, ДГУ-ла цахнабси ва социальный педагогикала кафедрала профессор Рабазанов Мяхьямад Багъаутдинович, П. Абу-Бакарла производениеби хясибли дурхнаси секьяйда бяркъла мисалти диахъутил бурули, гяйхуьун.

ДИРО-ла социогуманитарний багъудила кафедрала доцент, халкъани-ургабси «Филантроп» премияла лауреат, А. С. Грибоедова уличилси премияла лауреат, Расул Хьямзатовла уличилси премияла лауреат, ДР-ла культурала рурибси хялнчизар гярбуклан Мяхьямадова Маннаба Гябдуллаевнани писательла ва сунела дудешла ургарти уржибти гьалмагъдешличила буриб. Илди цаличи ца ГялхИмадхан башутири, ГялхИмадхай илис сунела цаибти белкнани дучлутири, ва сай дудешла пикрумачира лехирхъусири.

ДГУ-ла Азияла ва Африкала улкнала тарихла кафедрала заведующая, гилмуртала доктор, профессор Мусаева Салихят Ибрагьимовнани писательла производениебала черкад сунела пикруми дуриб.

Аминат Гябдулмананованира гялхИл валусири ГялхИмадхан Абу-Бакар. «Дял шаласи, урки-хял умути, гьарил луклес (Хъарахъуд — 4-ибил бяхлизиб).

## МягИничебси балбуц дураберклес хядурбиклули

Октябрьла 1-личи Дахадаевла районна заседаниебала заллизиб депутатунала Собраниела 21-ибил сессия дураберкиб. Илар бутакьяндеш дариб муниципалитетла бекл Жаруллагъ Гямаровли.

Балбуцличир закони кадилзахъантани хлрдариб 2018-ибил дуслис ва 2019 — 2020-ибти дусмала манзиллис районна бюджетлизи дарсдешуни кадурхахънила, пачалихъла кадастрла кьимат лугнила ва мас-мулкла объектунала характеристикаличила деларация къабулбирни бехибирхънила масъулти.

Районнизиб мас-мулкис кадастрла кьимат лугнила программа бетурхахъниличила буриб Дагтехкадастрла районнизибси филиалла директор Сабир Хясановли. Докладлици лехбизурли гьергъи депутатунани хлукму къабулбариб: 2018-ибил дусла сентябрьла 5-личибадси ДР-ла ванзурбала ва мас-мулкла документунала министр-ла 106-ибил номерличилси хлукму гямурулизиб дурабурклули:

1. 2018-ибил дусла октябрьла 1-личибадла «Дахадаевла район» муниципальной цалабяхъли Пачалихъла кадастрла кьимат лугни бехибирхъниличила багъахъес;
2. Шимала бургани ва шимала депутатунала Собраниела председателътани Пачалихъла кадастрла кьимат лугни бехибирхъниличила халкълизи багъахъес;
3. Дагтехкадастрли чебиахъуливан багъахънибала стенданазир плакатуни мерладарни;
4. Районнизирти мас-мулкис Пачалихъла кадастрла кьимат лугниличил

ла мерла телевидениелизир, СМИ-ла цархилти гялгьниахъумазир ва илкьяйдали соцсетанала официальный аккаунтунази багъахъниби мерладарес.

Гьаладихъибти масъулти арзес хяжатбиркур октябрьла 5-личи бикайчи.

Доклад пикрибурухлеи, цалабикибтани иргъурли планнизиб чехледаахъибти харжани дирахъниличила. Кьимат кабалтуту специалистунани хялнчи квалли матьал бируси ахлен, илдас арц лугути сари. Док-



ладчикли багъахъур илдас арц бюджетлизирад лугниличила ва районна шимала адамтазирадла илди сайсути ахлен или. Гьамси заманализиб налогунала шайчиб-ра барсдеш хлбирар, сенахленну 2020-ибил дуслис сари ил шайчирти далдуцуни дурадурклути.

Районна бекли цалабикибтази буриб

инвентаризация дураберкляхъес федеральный центрлизибадла багъахъурси биъниличила ва ил республикала къадрилла балбуц биъниличила. Сецад жьавли ил шайчибси хялнчи дураберкларла — районни гялхИдеш саби. Илкьяйдали Ж. Гямаровли буриб районна жамигятлизи чебетаахъили ахъбуцибси масъайчила аргъахъес багъандан, гьамси заманализиб шимада бургачил ва районна Собраниела депутатуначил семинар-совещание дураберкляхъес хяжатли биъниличила.

«Гьанна нуни балулла хлушазибадла бахъли чебетаахъили аргъили ахленрая инвентаризацияла программала хлехъдешличила. Иличил бархбасахъи, учидикили кьимат кабалтуту далдуцуни секьяйда дурадерклес хяжатлил ил масъала хлрбарахъес хлушачи хъарбирулла.

Замана ахлрехлехбарили, пачалихъла кадастрла кьимат кабалтунили бузерилици чекадизурли хядурдеш бараая», — буриб муниципалитетла бекли. Администрацияли гьалабихьибси предложение хясибли, депутатунала Собрание-ла председателъ ГялхИмад Ибрагьимовли 2018-ибил дусла октябрьла 3-личиб семинар-совещание дураберклес хяжатли биъниличилара багъахъур.

# Мяхяммад Хямидов гьаниркахъули

«Ну сайра инсантаци зак-зубри гьамдарибси»

Ну школализир ручлхлели Мяхяммад Хямидовла шалати дяхличибси Берхли нурли мурталра иртусиван билзи. Университетлизир ручлхлели ил цархилти поэтуни ва писательтачил варх студентуначил гьуниваэс вашухлели, илала маржанна мачниван каргьурти дугьбани лебилра цархилти студентуниван нура ясиррурцусири. Наб кьалли гьанра биркуси ахленри илгьунти чебяхли локантацил ихтилатрикули мякьла кариэс биркур или. Хера, республикала «Замана» газетализир рузхлели илгьуна игьбарлира раргир. Ил замана-заманаличив редакциялизир гьавикли, литератураличил дархдасунти далдуцуначив гьайулхь, поэтуни ва писательтала юбилейтачир кьугьати гьайдури. Ва илкьайдала илала гьарли-марси пагьмула нурлиур шала-ванабирутала лугилилизир нура рагьарриубра. Бегла гьегьги ил чеира нушала редакциялизир ваклици. Творчествола гьунчи кайзурсиле илдигьунти шягирти заклизабдла кабацибти идбагуниван билзули бирар. Илдала гьарил буриси дев, хлулбала хлер, кайцуси ганз, някьла лишунти дурхьати балгниван вегла рухлизир тикрардиклули дахьхилис кавлули дирар. Сенахленну, илдигьунтани гьеббуриси гьуникад дашутира нуша, илдани чула пагьмуртала карилаб берцахьибси рухласи хазнази «далхутира» нуша. Гур чинаб багьи-

ши жагьилтани творчествола гьашулла шурмазибадла кабердибси чебяхлиси дякь секьйада ихьусил.

Гьачам илгьуна шягирла жуз някьлизи бикалли, нуни дуньяла лерилра анцкьки хьумуртис ва рухла хазнази варьализи лезмиван рухлариркус. Гур ханна кляггназирад дурарухьес хлерируси сукьурван назмуртала-шарабла урунжунази кайгьули рирус. Чис дигахьу илдигьунти гьамрула някьлиши хлебла вава-кьарливан варакьдарибти рухла давлумала «сагназивадли» дуравхьес.

Хера, кайсулра илгьуна ца пагьмучевси адамла аклахьубси назмуртала урунж-жуз. Дужулла клантл-клантли иларти хлурпришараб:

Атхлеб хлу ургубакад  
Хлулклули аркьухлели,  
Вавни адердес някьби  
Хлуни гьадалтухлели,  
Вари, гьаникахьаба.

Дуцрумла буцлар бархли  
Цуэрли ряхьибхлели,  
Милигли гинизлици  
Ряхлудирикибхлели,

Вари, гьаникахьаба... (илди дугьби уркличир хледалуси дарган мажхалич леввиэс).

Цархилти адамтиван поэтуни беклил хледубкьехле ибси кьасличил, итил дуньялици араркьниличила гьанхле-буршули ва дунья бархьбатес урухлули, лехкабилзути ахлен. Илдани гьамрула кьугьни гьахьхли чедиу, челякьла сикьрукьниван гьалахили бала ва чула пикруми цуба кагьарлици цудара шинкьаличил някьшидиру. Хера, илбагьандан ахлену Мяхяммад Халимбекович

гьаникахьаба виклуси? Поэт иш шаласи дуньяличивадли арукьялра, илала рухл, гьакьлу, адамдеш, адаб-яхл гьелаб калунтас заклизабдла Берхли нурливан рухла давлумани иртлули даимлис кавлули саби.

Мяхяммад Хямидовла творчестволира адам дуньяла черикла мераначи ви-ахьу, зубартачи ахьурцу, урхьнала дигьандешуни гьаргдирахьу... Адамла беклаагардешлис хьулчи кабирхьути зурбати мур-гь-арцла кьаркьубиван дилзан наб илала назмурти. Чидил чеббикладлира, илала лямцли шадвирахьулри, чула умудешли рази-вирахьулри ва жагадешли хлулурклахьулри...

Илдигьунти адамти сецад хлериралира бухьнабиути ахлен, илдала белклани мурталра дубурла зярхиси гьавали дяхьибти ва забла клунтлала умудеш чузибти сарину.

Мяхяммад Хямидовла назмурти садирхьуцад илала Ватлайчи диги, илис мардеш, сай аклубти дубуртачи пахру, адам бархьси гьуйчивад-цун вашахьес гьира чедиули сари. Жагаси вавала мякьла-вад шулумухьес хлейруливан, илала назмуртала цацадеш тугьги хледелчи датесра ви-рули ахлен:

Хьуцрумачир, гажинван,  
Дихулра Бац-Берхлира,  
Бялихьчили кьаякьван  
Бархьбирулра ванзара.

Ярашличир урчиван  
Бикулра заманара,  
Ну агасри, мучиван,  
Плутубири Дуньяра.

Нуни саб гьамрула чар Хутлчил сабатурси,  
Ну сайра инсантаци  
Зак-зубри гьамдарибси.

Нуни саб жаваб лугул  
Ишбархли дирутасра,  
Нуни дурцис имтихьян  
Челякьлала гьаларра.

Балас, илди хледира  
Я гьамадти, я кункти,  
Камлив гунзри инсанни  
Хатлаличил кайцутути?

Камлив бунагьунира  
Дила, хлела, итала?  
Чуйна цумбухьахьуна  
Дунья дехли илдала?

Чуйна ванза бахунрав  
Шинна мерличиб хлили?  
Чум дудешлис аманат  
Уббатурса уршбани?

Балулра, жьавли ахир  
Ляхьлякьан суалтала,  
Дех халал саби набчиб  
Жаваб гес гьагьнитала.

Дуньяла гьахти-вайти  
Лерилра сари набзир —  
Ванзалара Заклара  
Ургав Вегбек — инсайзир!

Ге, поэти лерилра дунья-личибти инсантала зугьлуми сунечи чекайсули сари, илди бекларес, лерилра вайти урасили, гьахтициун калахьес ил кьайгьилизив сай. Ил сунечила ва сунела арадеш-личила ахлен пикрииклуси, ил цархилти багьандан жан кьурбандарес хлядурли сай. Илбагьандан ахлену поэтуни жьавли нушачибадла арба-шуту, хабарагарли дявила майдайчив игитван вайберхунала усалти баркьудлумани хлярхляливан бирхьути... ? Ге, Чевяхьисини кьалли

цархилти адамтасгьуна саби поэтлсра урки лугуси. Илини дахь-дахьал сунечи чекайсули хьалли, чумал азир адамлицад. Гьандурцув илала урклира дьлара хиларацун биали, гьашулли яра шандай чекахьейсигу илала урклили чекайсути.

Хера, илкьйада бахь-бахьал даргала шягирти заманалис гьалаб нушачибадла арбьакьун ва арбашули саби. Даргала локантала кьугьаси авид мискинкаби-рули саби...

Кел дус гьалав Мяхяммад Хямидов нушачибадла арукьнила хабар аргьибхлели ну рирхьес хлерирули калунра. Ге, гьамадли ахленри илгьуна хабар марбарес. Улгас, сецад дарес пикридарили гьахьбаркьуни леррира илала? Сецад назмуртала пасихти тугьги учланичи хледаили калунара? Сецад бетахьри сабил даргантас, Дагьистайс, улкалис...

Сентябрьла 28-личив Чевяхьисини дуньялис савгьатлис вархьиб ил шягир. Рухла хьучив хлемсули улцуси хлурматла хьубзара сентябрьла 25-личив кевасиб.

Кьудратла вегла баркьудличил нуша жалдиклес ахьри агартира ва нушаб илини чебаахьибси кьисматличил баришкадиубли хлерикиэс саби калунси. Итгьуна чевяхьиси дарганна уршби-рурсбас, илдачибадла чебакьубтас ва гьамтас арадешра гьамрулизир гьарбизутира дулгехле ва нушала Хямидхьалайс ахиратла алжунтира дулгехле.

Амма иличила нушани дамилс хьумхлерицехле, чеалкьуси наслулис бахь халаси рухла давла уббатурси шягир сайрину ил.

## Илала зубари шалабиклули кавлан

вакьилри ил. Илала гьегьгира ил нушачи чуйнара вакьибсири. Нуни хьасиббираси секьйада разидешличил гьунибиутирил дила бегти илис. Илдани мурталра хьарбиусири илала хлянчиличила, творчестволичила, кьисматличила ва хьалибаргла агилличила. Илди дебали разилра бири чула «ула уршиличи». Ил гьакьлучевси, бузери дигуси, чеветаибси ва дила бегти дигахьуси адам сайри. Дудешли мурталра тикрарбирусири; «Иличи хьарахьес вирар» или.

Дусми ардашулри, дила бегтира итил дуньялици арбьакьун. Дила зугьлуми лерхлели ва урки кьакьабакьибхлели ну мурталра иличи дугьа-

рилзусири. Сунела дахьал дирути лерли диалра, ил мурталра итмаданал музаулхьусири, нуни дурутаци ункьли лехилзусири ва дила урки паргьатбиахьес маслигьатиклусири. Илала гьамрула гьаламгь Загьидатра хлял-тлабигьатлизир Мяхяммадличичи мешусири. Ил гьакьлучерси, малхьямси ва урки гьаргси сарри. Илдала дурхленира сабигьунти гьахти саби. Гьамрулизир сегьунти-дигара вай-гьахли кьаршидирукли хьалли, илди мукьурбиклуту ахленри ва мурталра цархилтас кумекла някь гьабатес гьалакти бири.

Дахьал дусмазиб Мяхяммад Халимбековичли беклеш

дирутири «Дагьистан» Гостелерадиокомпаниелис. Ил гьамадли ахленси санигьят бузахьес багьандан санигьятлати дагьри, организатордешла пагьму, халаси творческий коллективличил узес устадеш, заманаличил уржили ганзиклес балес хляжатири. Илди лерилра кьиликьуни лертири Мяхяммад Халимбековичлизир. «Дагьистан» Гостелерадиокомпаниелизив узухлели дахьал республикализир вайти анцбукьунира кадикибтири, амма кьияндешуначи хлерицеили, Хямидовли сунела бузери уркли кьелгьеббикусири.

Ил сегьуна поэт, тилмаж сайрил хлебураслира, иличи-

ла хлебалуси чилра хлеригар. Дагьиста писательтала Союзла, даргала жамигьятла цалра балбуцличир илини бутлакьандеш хледирили кахлелун.

Хера, ил гьанна нушачил агарра... Илкьйадара бизэс бирусив? Кьиянни саби илигьуна хлекьдешлици вирхес, ил секлал марбарес. Амма ца секлай нуша паргьатдирахьулра: илала зубари - поэтла, гражданинна, гьадатла адамла зубари дахьал дусмазиб чеалкьуси наслулис шалабиклули кавлан.

**Зумруд СУЛЕЙМАНОВА,**  
«Дагьиста ши» ибси музей-заповедникла директор.

хири хлела мякьлар мурталра марси гьаламгь, дурхлнала гьахьси неш ва хлела анкьби жагабируси Загьидат лерхлели.

Хлела бамсриагарси бузерилис ахьси кьимат кабатурси саби бахьал машгьути ва гьадатла адмтани. Хлуни дарган мезличичи шурдатурти Гьамар Хайямла, Шото Руставелила, Расул Хьямзатовла, Кайсын Кулиева ва цархилтала поэзиялира бурули саби хлу чевяхьиси поэт виьниличила...».

**Нушала корр.**

## Хлу чевяхьиси поэтри

хьал писательти ва поэтуни лебти ахленри. Дагьистайзиб ишбархли клидаршличибра имцали Россияла писательтала Союзла члентала билетунала бегти леб. Иличи разили виэсра вири, амма илдачил уркигьаргли ихтилатиклес гьамадли ахлен. Илдала произведениебани халатала ва биштатала уркиби ясирдурцули ахлен... Хлелаван мурхьси пагьмули иртлибти белклани

камли сари илдала.

Ну мурталра хлугьунтачи мяштли вирус, сенахленну хлу ахьси даражала шягир сайри. Нуницун ахлен хлед илгьуна ахьси кьимат лугуси. Хлечила дурути гьахти пикруми сецад-дигара лер...

Хлуни Кьурьан даргала мезличичи шурбатурси ва Мяхяммад идбагла хлядисуни ункьли дьаркьурри. Хера, ил-дазибадла ца гьанбуршис:

Гьанна нушала ургав агарси Дагьиста халкьала писатель гьарбуклан Мяхяммад-Расулли (илра Мяхяммад вебклици дус дикили гьегьги итил дуньялици арбьакьунсири) хлера се локлулил сунела юлдаш Мяхяммад Хямидовличила:

«Хлечи ну мяштлира. Ну хлечи ваклес гьалакиклули сайра ибси пикри ахлен ил. Нуни бурес дигуси пикри ишгьуна саби я гьалаб я гьанна Дагьистайзиб яра Россиялизир гьаннацад ба-

# Бутлакьяндеш дариб

Гярмиялизиб кьуллукьбарибтани ва Дагьистайзибти Росгвардияла хянчизартани Лебилроссияла жамигьятла «Чедибдешла волонтерти» ибси хяракатла «Хьумхлертхеле. Пахрубирехле» ибси патриот слетлизир бутлакьяндеш дариб. Балбуц бетерхур Дахадаевла районнизиб. Илар бутлакьяндеш дариб илкьйадали муниципалитетла бекл Жаруллагь Пямаровли, республикала багудила ва гилмула министерства, жагьилтала министерства вакалтан. Слетла программала дазурбазиб структурала начальникла кумекчи, полковник Константин Шиянни дискусионная площадкала хянчиллизир жигарла бутлакьяндеш дариб. Ведомстволу жагьилтас патриот бяркь лугниличила шайчиб бирусилу хянчиличила буриб илини. Россияла Федерацияла миллатла гвардияда гяскуртазиб кьуллукьбирнилизиб Федеральная служба ил мягничебсгьуна бяхчибиз саби. «Нушани икьалабирнила шайчиб халаси хянчи дурабуркьулра. Байрумтала бурхназир багудила учреждениебазилу дашниличибилу таманбирули ахлен ил. Нушани дурабуркьулси лебилра хянчи бяхчиаили

саби чеалкьуси наслу беклахьулишала глеббурцнила дурабадли, жагьилтас патриот бяркь лугниличира. Нуша кьайгьназирра илдази Ватлайчи диги адикьес, чула гямрулис урехи хлебахьес багьндан кьарауйчи кабизуртала хлурматбихахьес. Дурхнас хьумартес асухебирар форма бихути адамти — бегл гьалабси яргализиб чус кумекличи сезаманализибра музабухьес хядурти юлдашуну биьниличила», — буриб Константин Шиянни. Офицерли илкьйадали буриб республикала Росгвардейцыбани шел школалисра ца кодетунала корпуслисра кумекбирниличила. Илала дурабадлира, «Чедибдешла волонтерти» ибси патриотический балбуцлизир бутлакьяндеш дирни Росгвардейцыбас гялхиси гьядатли бетарниличилу вирхулра илкьйадала буриб илини. Гур Мяхлякьчалала ОМОНна боецунани ярагьла выставка дураберкьиб. Ила цалабикиб бахьал дурхли ва слетла бутлакьянчиби.

Цалабикибтас дебали гялхидизур омоневецунани чедаахьибти някь-някьли бирхлила, някьли кирпич бялчила, баргерд дурабуркьнила, вайнукья урцнила, дихьалис буцибти азадбалтахьнила тьхурти. Районна бекл Ж. Пямаровли Росгвардияла бойцыбала санигьятлашалси гялхиси хядурдешличила буриб. «Дигеси саби нушала районнизилу, нушала балбуцличи хлуша дакьли. Жагьилтани бахьхилис хьумхлерту Росгвардейцыбани чедаахьибти гьунартачила. Дила



пикри хясибли, илдазибадли бахьалгьунтани Росгвардейцыбала кьаянази каберхес кьасбиру», — викли ил. Лебилроссияла «Чедибдешла волонтерти» бяхчибизла Дагьиста регионна отделениела исполнительный директор Мяхлямад Хусайхановли жагьилтас патриот бяркь лугнилизилу кабирхьуси пай багьндан баркалла багьахьур Росгвардияла Дагьистайзибси Управлениела руководстволис. Гурра цахнар сабухьчерли дузес имканти дирниличилу вирхулра илира буриб илини. «Хлушани иш балбуцлизир бутлакьяндеш дарнилу гьачам гьатли иргьахьули саби нушани цахнабси хянчи бирниличила», — викли М. Хусайханов. Республикала мер-мусаличиб бегл гьалаб саби дурабуркьуси «Хьумхлертхеле. Пахрубирехле» ибси волонтертала патриотический слет. Северний Кавказла регионтазибадли гялхцад жагьил адамти баклиб илар бутлакьяндеш дарес ва чула гьунарти чедаахьес.



# Гяйша Кьурбановас — 60 дус Талихл булгулра хлед, рузи Гяйша!

Чумра адамли набзи Гяйша Кьурбанова хледа рузи ахлену или хьарбаибси саби. Белики, идлас гьанбиркули бурги нушала фамилияби цагьунахелели рузи би сарра или. Яра кьаламла рузи би сархели илкьяда бикьултура бурги. Амма гьарилли-деклар бьлули хлебургар лукантала, хаслира сирхяла рурсбала ургала рузбалайсибра гьимси биьниличила. Ге, ну пахрули рицили рирус сирхлян риьниличилу. Сенахленну Сирхяла дубуртазиб залумти, бархьдеш дигути, хялалти, хамдеш-халаверхни хледалути, гьабзадешчебти бирар адамти алкьлуту. Илди пикруми далкьти сари эс чилилра хлейрар, сенахленну сирхянтани гьачамалра усалдеш, кьибяхляндеш дарибти ахлен. Илди мурталра бекл ахьли кабуцили башес бироти саби. Хледа, дила рузи, Гяйша, хлура Сирхяла дайши Кьярбачимахьилизирадси сархели, нуни хлечила гялхиси ахли селра бурес хлерирус. Шалгердхьун хлябилра хьярхьли, дила Гяйша, нушала студентхелла талихлала нурлизир парчдикьлуту бурхлира, глебшиллизир кьургьиван узудитли, ардашули сари гьибкьси бузерила манзилтира. Илкьйадали, заманали диргьадиргули, гьамдикьлуту сари тьгьамагарту ухьнадешла замунтира. Цацахелели, гямрула думьаглизир хилтдхьасли ахли, илдачила гьаналра хлебиркули диаслира. Иш гьакьлис балтехле ил нушаб дебали гьарахьлаб гьанарусигьуна темара, гьайдикьлехе ишхелла нушала гьарбизуни-гьархлебизуначила, кьыматла някьшиличила... Хлу, дила рузи Гяйша, талихчерси адамри, сенахлнну дебали

гялхиси пасихкар адам, пагьмучевси поэт ва писатель, халкьлис дахьал дусмазиб лебгьлеб халаси хьуллукь глеббаахьибси хабарла тухтур Сягидла Мяхлямадличил кьымат цабарибсири, поэтла, писательла ва педагогла гьамадли ахланси гьуникад черхлелалкьли рашулри, гялхити хлял-тлабигьятла дурхнасла неш сарри... Илдачир шалати талихлала рангани гур дирути ахлен. Глебшиллизиб дунья беглара аваданхелели в аванзала баракат адамтачи биуси манзиллизир акьлбхелели рургуд хлу илцадра сахаватли хледа пагьмула урунжуну халкьлизи дужахьес бажардиррукьуси. Илгьуна мягничебси шадлихьличил бархьбасахьти, дила рузи Гяйша, хледа хледа дурхнасла узи-уршилсисра арати гямрура кахлебурхуси талихлала дулгулра ва ишти тугьти пешкешдирулра: Мар мургьила тьлвалани Магьила кьалам дурцул, Варья-нерхла шинкьяли Маржанна хлурпри лукьул. Дай урклила анхьлизир Назмула вавни рурхлул, Хляли арцла лезмили Пагьмула сабухь бурчул. Хлезир дургьули сари Сирхяла варачанти, Хлезир алкьли сари Верхлел рангла зурхлябти. Сабурличил луцлурли Хлуни дубурла вавни, Назмуртазир илдала Алкьахьулри халули. Дигулра хледа кьалам Даим бугабикьлули, Хледа гямрула гуйчир Гьарбизуни дирули.

**Тяхьия кьапала**  
Шинкьанкула кьапала дуб бирусилу ахленри: андала шайчи чидил шали кабирусирил, хьантйила шайчи чидил бяхчиусирил багьес хлейри. Илис бускранти тяхьия кьапала бикли. Кьел хянчи дузахь тяхьияли: бекличи цуцбатадирли, мехле уцахьти, бетлу гавлагунази калкьухелели, гьеладикибти хляршдаресра бажардиркири. Ил багьндан шинкьанкула ни бурули вири: «Сен чебиасра, балбиркур, узис бат!» Тьп иличи мешубиркули саби ишбархлила хлякимтира. Чедивсини се баралра, хледа ил балкьси сабину, мабирид эс вирусилу агара, сунеубси ута хлебухьахьес. Хляким урайкибу, туп-тупхана дьахчиу, хлякимла бекл кьухли, удьбтала айгьур урчилаван арсаваркаурихелели. Сунени бузахьуси кьуллукьличи хлехлеили, чедивсилис гялхлулавиз асухебируси, сунела даражаличи ахлебикибси хлукму кьабулбирули сай. Илгьуна бетаур П. Хлямидовлис, Р. Гялиевлис. Следовательлизи Р. Гялиевли бедибси жаваб илис бикьрилу бетарули ахлену: — Нуни ил кьулбасбарес асухебирни балулри, амма барра. — Гужли барахьибу? — сабри суал.

**«Порт-Петровскличибад» «Энергетикличи»**  
— Ахленри. Балу-балули барра. Тамаша ахлену?! «Дек дьни балулра, амма дугулра», — бикьлуси кьанала (арца) буралаличи мешубикеси ахлену. «Порт-Петровск» санаторий Мяхлякьчалализиб бирухелели, хляйна вякьунсири. Бекл тухтур Мафизат Керимовна рирли. Р. Гялдулатиповли санаторий Каспийсклизилу гечбариб. Се кьасли барибал, сунени багьаб. Чянкьли бекл тухтур цархил адам сайри. «Энергетик» билли, чарх-беклис энергияра имцлабиз гьагьиллигу илав калунсила. Санаторийлизи вакьили наб чебаахьибси палатализилу кайили левли, хьунул адам ва мурул адам абациб. Хьунул адамли бурсидиубти някьбачил кровать балбариб, мурул адамлизилу кайхьен, бамсриахьа или дурарухьун. Дила вархьязи, тьнишдешла някь гьабуцили, викьулра: «Наб Бяхлямад беклар, Дахадаевла районна Бускрила шлизивадсира». Алгьай някьла икьайчил балуй някь дила хьатлаб багьарбиуб: «Гялиев Мирзахляжи беклар, Лавашакан сайра, Избербашлизилу хлерирулра», — (Хьарахьуд бирар).

# Жагьдеш гьангикахьиб

Ишди бурхназир Зильбачила СОШ-лизилу культура хянчизартачил барх гьести гямрула адматала Халкьани-ургабси бархилис хасбарибси балбуц дураберкьиб. 1 — 4-ибти классунала бучантала гялхлас культурула хянчизартани гялхилу сайли увухьун. Букь-бужусилис кумекра бирули хлеракьидубра. Мьякьлабси палатализилу Зильбачивадси Хлясанов Мяхлямадрасул сайри.

бутлакьяндеш дарибтас савгьатуну дедиб. Разиси хляйчиб бетерхурсилу балбуци лебталалра гьав ахьбуци. 5-ибил классла ручан Хаджигат Ибрагьимовала ва 6-ибил классла учан Имин Мяхлямадговла масхарала далайра биштла-халатас гялхлизур. Балбуц дамбиуб лебилра чайла бержес кабили, пенсионертани чула жагьдешличила гьанбикахьили хабурти дирули. Чула зугьлумачила хьу-



булгути гьай дирулри. Балбуцличиб гьайбухьун пенсионерти Гялиев Гялмад ва Салихлова Хаджигат. Илдани чула гямрулизирадти гьанбикуну дуриб, далуйти делчун, назмурти делчун, делхь дариб, масхурти дуриб. Шадлихьличир жигарла

мартурли илгьуна шаласи шадлихьличиб лебтанилра ункьли бамсриахьиб. Илдигьунти шадлихьуну дурадеркьиб ЦТКНР-лизир, Дибгашар, Хьярбачир, Кьункьир, Кьишар ва Кудатур. ЦРО-ла методист У. ГЬАНИЕВА.

# Хіябиб Нурмяхяммадов гевурцули

Дуньяличиб хабардерхурси Дагьиста спортсмен Хіябиб Нурмяхяммадов гевурцила балбуц дураберклиб ишди бурхназиб Дахадаевла район-низиб.

Муниципалитетла бекл Ж. Пямаровли гевурцути дарш-личибра имцали дахадаевлан-тани гьудурси (смешанный) единоборствола боец Хіябиб Нурмяхяммадов Ирландияли-зивадси Конор Макгрегорли-цил вяхлес гьалав гевурцила акция дураберклиб. 15-личирра имцали Хіябибл суратуни дар-шибти ва «Хіябиб, нуша хлечил сарра!», «Нуша ца команда сарра!», «Пелабяхл ганз кацес асухлебарар!» ибти лозунгуна-чилти автомобилти Уркухъла шилизирадли шалгердухъун.

Ил балбуцлизир бутлакьндеш дариб муниципалитетла руко-водстволи, районна Соб-раниела депутатунани, шимала бургани, бахъал жагьилтани ва «Чедибдешла волонтерти» ибси организацили дурабуркүси «Хъумхлертехле, пахрубирехле» ибси региони-ургабси патриотический слетлизир бутлакьндеш дарес Дахадаевла рай-оннизи бакибти гялхлани.

Октябрьла 6-личиб Лас Ве-гаслизиб дурабуркүси UFC ибси машгүрси турнирли-чиб UFC-ла чемпион Хіябиб Нурмяхяммадовла ва Ирлан-дияла боец Конор Макгрегорла абз бетурхуси саби (бирхүти саби илди).

ти гямру дирахънила бетуц гьалабяхл башахънилизил халаси пай кабирхъули сай. Илала та-машалати абзанаичи (бои) чилра хіяжатагарли хлерикилес хлейрар. Илди спортсментала гьу-нибаъниличил лебглеб халаси пикри бяхъичиули саби бахъал халкъили. Сенахленну



Ирландияла боецли Хіябиб Нурмяхяммадовлис урухлан сай или бурили сай, Хіябибли биалли бурили сай Макгрегор гялхти тяхяр-къяйдаличи рур-къис или.

Жагали далкъаахурти баягы Хіябибл суратуначилти, Рос-сиялара Дагьистара байрахъу-начилти автомобилти Уркухъла ши алавбарилли, «Дахадаев-аре-на» стадионничи гьамдиуб. Илаб илдаци хлерили районна руко-водство ва «Хъумхлертехле, пахрубирехле» ибси патриот слетла бутлакьанчиби, хлурматла гялхли.

Илав районна бекл Ж. Пямаров гьайухъун: «Нушаб Хіябибличил – нушала чемпионничи дугъа-

на дубурлан сай илра. Ил че ди иркур – нуша иличи 100-ла процента дирхулра. Нуша хлечилра, Хіябиб. Хлед хіяжатикибхлели нушала дубурлантала цакъ (энергетика) пайдалабара. Нуша хлуглерлира, Хіябиб!».

«Чедибдешла волонтерти» ДРО ВОД-ла директор Хіямзат Муслимовли муниципалитетла

бекли дуру-ти гердуциб ва ишкъяйда викли: «Нуша хлү багъандан пикридиклулра, нуша урки-уркиларадли хлуглерлира, Хіябиб. Хлүни чедибдеш сар-хес хіяжати саби. Ириличил (поясличил) чарухъен. Хлела гьалаб сархибси пояс калахъен ва хъули чарухъен. Нуша хлечи хлерилира – лебил Дагьистан, лебил жагьилти».

Глур гьайухъун Сулейман -Стальскийла районна бекл Нариман Гябдулмуталибов; «Хіябиб, Сулейман-Сталь-скийла район хлуглебли саби. Чевяхъисини вихляби хлү. Хлед арадешра гьарбизунира чедиб-дешунира дулгулра. Хлү чедиб-дешличил чарулхъниличил дир-хулра».

Россияла спортлизив гялхси-гъуна спортсмен борец Кь. Кьурамяхяммадовли Хіябиб Нурмяхяммадов иштялхичил гевурцули виклар; «Хлед гьарби-зуну дулгулра, Хіябиб. Чянкли чедибдеш, цархилван мабиаб. Хлү хлурматла уличил (титул-личил) чарухъи дигулра. Халаси спорт нунра балуси саби гялхил, гьайлизибцун ахли. Ил деклси саби. Илгъуна гьуйчи кайзурсини се саби ил гялхил бала. Чянкли чедибдеш!»

Дагьиста спортсмен гевур-цули гьайбухъун илкъяйдали Дагьистан республикала багъу-дила ва гилмула Министерство-ла патриот бяркъла шайчибси отделла начальник М. Пямарова ва Дагьиста ветерантала Советла председател М. Пялихъяжиев.

Акцияла лебилра бутлакьан-чиби бирхули саби чула дигуси спортсмен чедииркниличил.

# Икрамбирулра глурра

Гьянна наб гьанхлебиркур, се-къяйда ну, Дибгашила урга да-ражала школала директор ва урус мезла учитель, 2006-ибил дуслла августла ахирличив къар-шикибсирил Мяхъичкъалала Редукторный поселоклизив.

Итхлели илав сунела хъали-баргличил варх хлериусири дила урши Ражаб. Ну иличи гялхладли ваклилри. Ит бархли илала виштлал урши Ибрашк-ачил ну парклизиб шадиб-гъуни барес дуравхъунра. «Хала дудеш, ишбархли нушала парк-лизиб бахъал адами биру-ти саби», -- виклар уршила урши. «Селис ишбархли-деклар ил парклизиб илцадра бахъал адами лябкъути?» -- хьарбиул-ра нуни. «Ишбархли ишаб учи-тельничас тлшбатурси памя-тник ибхъуси саби», -- чарбатур Ибрашкали жаваб.

Чуйнара илис глургира вя-къунра ну уршбала уршбачил варх дила учительница черазс. Гле, хлүша дирхаая, ил парклизирси жармала хъунул адам наб мурталра дила учительницаван рилзули, ну илизи гьайлизи вилзусири. Гьачамра ну илизи урус мезли белкунси назмули-чил дугъаизурра. Хлүшаб гьа-лабирхъулра даргала писатель ва поэт, дила юлдаш Ибрагьим Ибрагьимовли даргала мезличил шурбатурси ил назму.

Ишбархлира ваклира Сагаси лякьир барес, Убяхъили кьукъара, Сагали икрамбарес.

Гьянна хлү риублихъар Памятник, гьай агарси, Иргъид нуни дурути Гьайла беглгачир ункъли.

Чедиб берхли ухули Саби хлү шаларарес, Удир дубурти сари Хлядурли гьайкадужъес.

Гьянбиркулив биштлал ши, Шурмачибси Дибгаши, Яра, лавшарбиклули, Дуцлрум билкъуси арши?

Гьянбиркулив никлаби, Цайкъяшмар пинцлукъуни, Буриси хабарличил

Клайбилзул абъяхъуни?

Илдиклун гьанхлебикес. Бирару гьанхлебикес Катруглизибси школа, Илабти биштлал агълу?

Ручлади назмуртани Набтла чирагъла удир, Луклади кагъуртани, Рирули уркили гьир:

«Ишар, гьарахъ ятлизир, Тамашала лер секлал: Зак чебиули саби Хъатла кабихъибсиван.

Дубурти чинаралра, Хлүлби хлёрдарибхлир, Ахъти, гяшти, лугъанти Яра лацван кайзурти...»

Малхямти чумал девли Цлуръабас уркили бири, Хъутрала ванадешли Хъалира ванабири.

Дубуртазиб Мария У агарси биалра, Бири Мариямхъали. Хлела у бурги илра.

Барх кили хлела гьала Тлшбалтулра дурхлнра: Гялхилван хлёрризадли, Балад дила биънира.

- Хала дудеш, чи сари Хлүни икрамбируси? Гьар дус хлү иличирив Хъумхлертурли вашуси?

Ил игиту, дергълизир Душмантачил рургъуси? Яра цархил гьунарли Сарив машгьуррарибси?—

Хьарбиклули саб дурхлни, Ургниван хлёр атлахъи, Дила мякълаб нуниван Кьукъара убяхъили.

- Ил урус хъунул адам Сари учительница, Муртрл нурла хлүшаван Илини учлахъира.

- Хала дудеш, сен гьатли Ил риштлси, назикси? Илгъуна риштлсилис Памятник тлшбалтусив?

- Агъ, дурхлни, багъадалри Ил биштлси къаркъайзиб Уркил севан халасил, Цакъара сегуна лебил.

Нуни ил чериулра Хеопсла пирамидли, Зубрази гарчбиклуси Дубай шагъарла Буржли.

Нушаб, дергъла букъуртас Хъулир паргъатси нешри. Дурар яра дурсрачир Члүмаси дудеш сарри.

Гьянна ил лехкахъили Хлёркариклули хъалли, Лейри манзил адатас Ретаурси игъбарли.

Балулра, бахъал урхлис Лехлси памятник саби. Наб асилдешла, рухлла Мицирси бикъри саби. **Хлѣжимурад РАЖАБОВ, Дибгашила ши.**



Спортлис ил абз лебглеб мягничебсиле бетарар. Хіябиб Нурмяхяммадовли, гьанналис жагъли виалра, ара-

дизес дигулра. Нушани балулра ил чедивиркниличила, нушани балулра ил гьарли-марси дубурлан виъниличила. Нушагъу-

(1-ибил бяхълизибсила ахир). вехлхъибси адамлис кумек-барес хлядурси вири ил. Дар-гала литература гьалабяхл букес мурталра къайгъилизив вири. Нушала уржибти гьа-магъдешра дири. Ну Москва-ла литературный институтлизи карерхъхъес хуларарибси ва глурруцибси ил сайри. – рикли А. Гябдулмананова.

Писательлис хасбарибси му-



# Кубачиб шадлихъ бетерхур

зей аклахъес ва ил материал-тачил глеббуцес дурабуркүси хлѣнчиличила багъахъур Г. Абу-Бакарла музейла директор Зай-наб Канаевани.

Балбуцличил илкъяйдали ле-бри Дахадаевла районна багъу-дила управлениела ва деклар-декларти учреждениебала хлѣнчизарти. Илди сабри «Дахадаев-ла район» МО-ла багъудила управ-лениела началь-ника заместитель С. Мяхъяммадов, багъудила управ-лениела бяркъла шайчибси хлѣнчи дурабуркүнила ве-дущий специалист

Ц. Кьурбанбяхъяммадова, рай-онна багъуди гьалабяхл башахънила Центрла методист А. Гябдуллаева, Уркухъла крае-ведческий музейла директор И. Разаков ва цархилти вузанала преподавательти, школала учительти.

Школала дурхлнани гялхцад назмурти делчлун, далуйти зай-духъахъун, делхъ дариб. Концертла программа бузахъ-улри 9-ибил классла учлѣн Г. Гябдуллаевли ва 7-ибил клас-сла ручлѣн К. Багъевани. Ца-лабикибтас гялхъизур 3-ибил классла ручлѣн Э. Ибраева-ни белчлунси «Дагьистан» биклуси далай. 7 -- 8-ибти классунала дурхлнани дарибти глярбуклѣ делхълисра вяхли

дяхъибти хъутрачил гьуниба-иб илди.

Шадлихъличир жигарла бутлакьндеш дариб учительтанира. Урус мезла ва литературала учи-тельница М. Хлѣжиглѣмадовани Г. Абу-Бакарлис хасбарилли су-нени белкунси назмура лебта-салра гялхъизур.

Глярбуклѣ шила школализиб дураберкѣибси ил балбуц раз-иси ва шаласи шадлихъли бе-таур. Гялхти гялхлѣдеш дариб кубачилантани.

Глур гялхлани школала музей-лизи, шила жагати мер-мусакад экскурсия дураберкѣиб.

Илдигъунти далдуцуни дуньяличив машгъурси пи-сатель чалкъуси наслулизи ункъли вагъахъес, илала про-изведениеби руркъяхъес пай-далатили детарар.

**Шила гямру**  
Газета 2009 ибип гуспа декабрьла 28-пичиб массовая коммуникациябала, бархбаспа ва купьтураси букъур мяхлкамбирнипа шайчиб хлѣругу бузахъуси Федеральная служба ПР-пизибси Управленилпизиб белкунси саби. Белкѣла номер - ПИ № ТУ 5-0047.

УЧРЕДИТЕЛЬ: «Дахадаевла район» МО-ла администрация  
Газета дурабулхъуси саби жумягл бархлѣ. Дусли 52-на дурабулхъан. Индекс -- 63314  
Печатьлизи къулбасбарес кабизахъурси замана -- 16.00.  
Печатьлизи къулбасбарибси замана -- 16.00.  
Редакциялизи дархъибти белкѣнас ре-цензия лукъуси ахлѣн, я илди чула беглгачи чардирути ахлѣн.

inf.otdel17@mail.ru.  
8 87(254)2-10-15  
Газетализи кадирхъути материалтала автортала пикрумачил редакцияла пикри цугълебикесра асубирар.  
Автортани чула материалтала хлѣкъдешлис ва бархъдешлис жаваб дугуси саби.

1931 ибил дусличибад дурабулхъуси саби.  
ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабяхъибси саби.  
Адрес: 367018, Мяхъичкъала шагъар, Нас-рутдиновла уличилси къакъа, 61.

Тираж -- 1400 экз.  
Редакцияла ва издательла адрес: Дахадаевла район, Уркухъла ши.